

高宗詩文十全集

二



高宗詩文十全集

(二)

清 高 宗 撰
彭 元 瑞 編

御製詩文十全集卷七

再定準噶爾第三之二

詩四十六首

花門行 丙子

花門雜種其類繁。玉關迤西西海連。或居城郭或遊牧。牧滋畜獵城者田。其性均能殖貨產。剛勇善戰則鮮焉。部落雖殊形貌似。晷面綠瞳赤髮鬚。大宛卽今哈薩克。布魯特近古于闐。其他不堪僂指數。要視強弱爲歸叛。叶準噶爾昔全盛日。役使若輩如奴佃。令棄故居來伊犁。課其引水種稻秈。服勞供賦不敢怠。詎知隱恨已有年。逆渠去威竊據際。回人助之藉少安。台吉宰桑心不一。逡巡各退遭顛患。叶而何逆渠復狼忌。謂回人衆其力全。不早圖之將受害。機事不密回人先。遂攻逆渠渠敗衄。回人還向故土遷。柝屋伐樹示不返。伊犁荒涼吁可憐。地積白骨草木赤。腥風吹野遊狐羆。一宄構害貽萬億。降殃會見昭昭懸。

蕃劍行

蕃劍一泓波溢塘。鉞從文起飛寒芒。其來伊犁萬里外。限以大幹天各方。語言不通振古異。誰歐冶爲去聲。爲魚腸。昔策妄阿拉布坦。草創絕域誇雄強。大小策零敦多卜。皆其羽翼兄弟行。大者善計善將將。小者

勇萬夫莫當。矢石雨下自弗著。亦不驚避狀若常。禍木特及撒拉爾。自謂弗及言之詳。此劍乃彼所佩用。不離身持短入長。強者死絕弱者亂。曾不歷世羣喪亡。熒熒孤媳挈部落。歸命貢此呈天闕。暴得暴失何足紀。聊紀向化武庫藏。聊紀向化武庫藏。吾猶慮其爲龍飛去水中央。

蕃甲行

權輿甲冑作軒轅。銅頭鐵額人驚看。函人慎術精五屬。合甲壽至三百年。然惟犀兕察革空。上聲。眊裏眊朕要取堅。後世乃有鎖子甲。鐵環金練蛇鱗鱗。我聞其名未覩物。偃武日久工失傳。底定伊犁盡肉袒。台吉宰桑來後先。取其重器藏武庫。鐵章蕃甲驛致駢。上年平伊犁。得鐵章一。蓋其台吉世所傳用。詳見記中。當時噶爾丹策凌。恃遠抗大數。擾邊其人狡。謫習攻戰。頗能憐下人。稱賢備器致用。懾鄰服。哈薩克無能爲患。以武得之守詎可。逆天內潰宗弗延。廿一昂吉皆入化。昂吉者。蒙古語。部分也。準噶爾所屬。或一鄂拓克爲一昂吉。或合數鄂拓克爲一昂吉。凡二十一。是皆噶爾丹策凌分內者。今均內屬。其衆台吉下之鄂拓克。則各令其汗王札薩克等掌之。一如四十九旗之制。四圖什墨爲我臣。叶。噶爾丹策凌於其諸宰桑中。擇四人爲圖什墨。圖什墨者。大臣之稱。爲內大臣。札爾圖齊爲散秩大臣。管理二十一部分之事。組鎧虎皮包弗用。或異得四白鹿旋。

處暑

代謝憑誰測。由來其理常。天高雲影淡。日遠樹陰長。池草何妨白。田禾喜漸黃。風從西北至。思共捷音颺。

熱

數日金風爽。將云節已更。何來劇炎溽。轉覺甚朱明。早稻真宜暴。晚蔬慮過晴。兼全信艱致。可以驗人情。羅扇藏還展。絳衣疊復披。不妨重一試。了識不多時。蟬噪如相競。蛩音自覺悲。西師歸奏凱。或免冷侵肌。

中秋帖子詞七疊前韻有序

萬寶西成。九秋中夕。頻年染翰。曾裁七字之詩。隨地徵吟。舉續四篇之韻。憶昨歲仙莊錫宴。鍾峰嘆萬樹燈燒。緬酉秋西苑摘毫。太液愛一奩冰澈。乃者紀開丙子。序屆白藏。金鸞轉而銅雀鳴。珠露灑而玉鸞滿。賞良宵於爽節。撫清景於御園。湖接昆明。不數汜流光於甃社。山連萬壽。何勞誇幻術於廣寒。況值法宮行慶之初迴。螭頭星擁。又當紫塞大蒐之旋舉。豹尾雲高。萃勝事於一時。具人間之四美。惟是遠懷莫釋。詎逸豫之能耽。顧茲佳景當前。庶憂勤之共寫。疊賡舊什。用示新裁。

人自匆忙月自閒。誰能萬慮一時刪。韻翻七疊詩初度。卻喜園林接壽山。

世界三千放大光。桂宵摘藻字應香。應潮爲憶吳江浦。二鬴能不平聲足宮筐。

陡懷西北未歸師。淨洗長吟杜甫詩。瓜餅絃歌渾覺厭。清光獨對照清池。

捲幔山河近水樓。嫦娥應道獨宜秋。玉堂事動成佳話。染翰詞臣共舉頭。

中秋卽景

天龍應是謁蟾宮。竟日霏霏細雨濛。入夜擘雲全體現。中秋佳節萬方同。玉藹含澤黃陂外。金粟飄香碧

海東朗照遐思到西極。凱旋佇待奏膚功。

玉河泛舟至玉泉

數里烟波渺。一川源委通。便教鳴桂棹。可以達花宮。山色看看近。秋光處處同。點汀蘆穗白。照岸蓼花紅。水物宛供賞。溪田又卜豐。底緣心不釋。西北待成功。

懷柔縣

鳴鞭常卻輿。歷歷度田廬。省歛當金帛。侵晨戴望舒。況茲臨朔塞。每以覲蕃渠。兩字標山縣。名言實起予。遙亭行宮對雨三首

午熱蒸爲雨。晚田潤待秋。蕎蔬均得益。囊橐早應收。遙嶂青橫滴。空羅白豎流。誰云值清暇。正爾問軍郵。較農今歲好。籌遠旁去聲秋煩。了識無多幸。人情未易言。卽看一雨爽。便爲昨朝暄。坐對濛濛者。因之憶玉門。

簷聲細注瀑。樹色暝生烟。此景非今始。相逢屬偶然。由來恕行笥。便與命吟箋。入夜雲容散。明朝好著鞭。至避暑山莊卽事

巖莊松塢行行到。水石烟花在在仙。月宇眞稱離俗地。雲窗雅喜讀書筵。試聲秋鹿曾何謂。弄影春駒有底緣。嘉讌年來多惠遠。翻愁渴望凱音旋。

都爾伯特台吉伯什阿噶什來覲封爲親王詩以紀事

來歸就兄弟

前年來歸之策凌烏巴什皆其同族兄弟

嚮化慕簪纓不作逆天黨

伯什阿噶什軍曾於營告逆賊阿睦爾撒納反謀逆賊招之不赴

惟殷捧日誠

用茲嘉乃績便與錫殊榮式戒螭蟾沸永遵帶礪盟

行圍卽事

秋獮乘時歲一來神臯素節靜無埃
迺千二百騎惟羽布左右中官是材
木葉已看吹籟落野花還自冒霜開
揆文奮武難偏廢點筆賡箋每召枚

神心妙達是清秋地迴興安景更遒
雲影山光含動靜泉聲葉響驗沉浮
目鴻霞表懷因遠耳鹿崖邊興亦留
校量常年得佳話隨園今後有渠搜

兩翼鴻緬隔嶺張黃麾據勢獨堂堂
如身使臂臂使指舉網有目目有綱
地豈稻稭馳騁得林眞錦繡詠歌常
山靈似有相應處子墨虛文免賦揚

宴土爾扈特使臣

烏孫別種限羅叉

土爾扈特亦準噶爾厄魯特也舊爲四衛拉特之一曰綽羅斯曰都爾伯特曰和碩特曰土爾扈特策妄阿拉布坦時與土爾扈特構釁土爾扈特全部西北去乃名輝特爲一衛拉特故今土爾扈特

南則限於哈薩克東則限於俄羅斯欲至中國必假道於俄羅斯俄羅斯又名羅叉云

假道崎嶇歲月賒

戊年自彼部起程今始至

天闕不辭欽獻寶雪山何礙許

熬茶蒙古以詣西藏熬茶爲要務故並許之

覆幬誰可殊圓蓋中外由來本一家
彼以誠輸以誠惠無心蜀望更勤遐

萬樹園宴都爾伯特親王伯什阿噶什及土爾扈特使臣吹扎卜卽席得句

碧霄晴旭曉光澄。穹幕高張翠毳毼。禮法不拘從所習。友羣何礙集相仍。捧盈常切予心懼。奠遠惟欽祖德憑。萬樹清輝懸聖日。未曾可識昔猶曾。

萬樹園賜都爾伯特親王伯什阿噶什及土爾扈特來使觀燈

鱗集來王有後先。堅昆馳使又踪連。衢樽錫宴前朝洽。寶炬裝燈午夜妍。銀燕火蛾紛樹下。驚麇駭鹿避崖巔。侈觀詎爲誇遐屬。矧爽光明示別權。

閏九月九日作

遙村近墅霽烟光。立馬崇椒了不涼。自是登高宜上塞。不妨把菊閨重陽。天臨澄廓目因遠。樹謝繁華意轉長。邇以捷音待西北。每當歡樂轉徬徨。

逆賊阿睦爾撒納奔竄哈薩克。我師深入追捕。雖屢戰勝。而賊踪益遠。因念絕域曠時。不欲久勞師旅。宜諭徹兵。詩以述意。

窮寇且莫追。天邊命返師。一月旣三捷。

定西將軍達爾爾黨阿等。殺賊於雅爾拉罕。巴巴大敗遁去。又殺賊於伊什爾罕。巴巴罕都拜大敗。阿睦爾撒納易服而逃。又定邊左副將軍哈達哈等。

殺賊於毫哈薩拉克山。阿布賽大敗走。兩路將軍旋以屢戰馬疲。黠武寧爾爲伊犁新奠定。四部待休滋脫免丹津。請暫退師。明春再行進剿。而朕先是已降諭旨命徹師。故從之。

似會看俘闕時。青海羅卜藏丹津。竄入準噶爾者三千餘。載。上年平定伊犁獲之。獻俘闕下。

丁丑春帖子

早春日最早

朔日冬至方得臘月
望立春爲最早也

寅月節逢寅

是歲立春
日戊寅

底藉十行詔無時不體仁

乘氣南邦將布澤柔遐西海願銷兵東皇橐籥被無外北極車書奉大清

元旦試筆丁丑

喜聲瑞氣遍皇州春旭先輝北闕樓交泰三陽兆義象斂時五禮協箕疇詔書寬大銜金鳳歲德耕耘利土牛日勵自心強不息敬天勤政又從頭端門五雉啓昭蘇拜舞彤墀百辟趨玉琯調元欽昊綽金甌卜世永皇圖再巡南國頻頒惠佇俟西師早獻俘息事寧人繫本願久安長治敢忘謨

正月二日小宴廷臣

白獸依元日瓊筵會九賓屬當資始候同是亮功人欣舉觴浮柏休誇脯擘麟盈廷漫稱頌一意更猷詢勤遠戒應凜寧遐道底臻張皇申撻伐奔走厘臣隣酒醴今朝饗苦甘多士均惟期靖醜逆凱宴繼斯陳

時厄魯特叛黨弗靖命將擒討統兵諸臣皆令與宴

出師

出師在何所仍在西北荒渠魁旣未獲醜逆因跳梁留處軍原寡計月輸餼糧協力翦渠羽中路乃乖張皮戈忽內向百騎曾奚當

噶爾藏多爾濟報將軍兆惠以巴雅爾搶擄人畜請發兵協力共剿兆惠因遣將軍和起調扎納噶爾卜等諸部落協擒巴雅爾而扎納噶爾卜哈薩克錫拉等中變和起所率兵僅百

餘人以衆寡不敵遇害。

犯臺奪軍食。遂致大獷狷。廼思去年來。飢賑亂與康。誰知煦嫗恩。不足懷豺狼。我直彼則曲。六師宜張皇。以正討兇亂。言順氣倍強。勁卒簡子弟。召募非編氓。^叶儲胥發帑項。賦役非加常。其間或雇賃。仍令計價償。究不無勞民。寬賦頒十行。內安外易攘。逆靖順受慶。丙夜籌軍機。九微對燭光。宴樂弗耽盤。救寧期久長。出師匪得已。永言示大方。

祈穀禮成述事

帝燭煒煌翡翠釭。雲和迭奏玉金摐。祈年每履歲豐歉。勤政敢論日隻雙。希嚶皇風奠西海。行敷化雨省南邦。敬之惕若冰淵凜。無易由言致駿厯。

降旨免甘肅本年額賦並積欠詩以誌事

西陲兵未罷。戡亂非得已。儲胥發官帑。詎肯征閭里。究之出諸民。豈如無事美。去年縱蠲賦。今復新正矣。地瘠貧民良。施恩宜在此。正供與全豁。寬心勤耒耜。積欠免歷年。奚用愁留抵。靖外先安內。化日春風裏。恭奉皇太后南巡。啓蹕京師。登辛未舊作韻。^{有序}

疆圉肇歲。正條風應律之初。太簇開陽。協始和行慶之候。爰諏令旦。再舉南巡。溯前度之遊歌。星周六稔。奉安輿而莅止。路指三吳。翠羽金支。掖輦長依愛日。黃童白叟。迎鑾更慶瞻雲。問俗觀風。顧問闕而求瘼。敷膏布澤。冀井里之蒙庥。舊韻重廣。七言述志。

澤國省耕紀憶辛。山川韶秀信無倫。前秋適值逢災歉。昨歲因之罷豫巡。前降旨丙歲南巡。以乙亥江浙秋潦停止。橐籥轉旋農
慶稔。黔黎籲請志重申。肆鳴帝里和鑾駕。一慰江干望幸民。再奉安輿出長樂。徐遵廣陌衛句陳。青郊喜
見餘晴雪。綠麥行看發始春。淑氣眼前天與盎。詩情馬首日迎新。乘時展義非無事。敢廢軍書裁決頻。時準夷酋長巴雅爾等攜贄。命將擒討。西北兩路軍書。令其直達行在。

涿鹿行再疊舊韻

影燈喜爆鬧郡城。民風豐歉覘經行。行宮晚景正清絕。壁詩歲月標分明。西征士騰馬亦飽。機緣天湊時
誠好。其如審勢乏人爲。西師所至。仰蒙天佑。可刻日廓清。而統兵諸臣。各分彼此。致失機宜。狼子野心殊詭巧。降蕃變亂因畏尤。阿睦爾撒納。皆因受恩驕恣。自知罪狀暴著。懼罹誅討。遂決計叛亂。反面不顧恩遇稠。聲罪致討重整旅。肯使偕德殘年留。七擒南人不復反。三年
克之鬼方收。身此南巡心西海。宵衣寧憚軍書修。

紅杏園再疊前韻

練日巡江國。乘春發鳳輦。昨歲告武成。憶曾於斯館。豈知馳捷旌。詭計事後顯。去歲以伊犁底定。親告孔林。適至。閱數日。乃知叛賊誑言。以懈衆志。統軍者不審其謬。起鑾時。擒獲阿睦爾撒納之報。三軍賴司命。一籌何莫展。選將更整旅。問罪王師
遣。去歲以阿睦爾撒納未就獲。故懷觀望。如巴雅爾之類者。旋復構亂。因更命喀爾喀親王成克扎布。爲定邊將軍。以今春統索倫、察哈爾等兵。進討諸逆。佇待奏膚功。戡亂靖鄰善。

至泉林二首疊舊作韻

無多室宇瀉而樸。咫尺泉林秀且明。芳勒杏花春未放。素紱杞樹雪初晴。窻櫺好景隨心會。壁額前題向客迎。民氣安和歲中上。省方緣此一怡情。

稷辰昨歲雨餘至。春孟今朝雪裏來。宮是仁皇曾駐憩。輦扶聖母喜趨陪。西瞻曲阜增顒爾。南指江鄉已近哉。不異前茲惟問夜。軍書籌畫爲惶徊。去歲駐此。已覺紅旗馳報。俘虜爲僞。督令策楞等進兵。終以路遠遲延。坐失事機。而逆賊未獲。懷首鼠者。旋復猖獗。故今歲更籌進兵致討耳。

詣闕里瞻拜

去歲躬親奠素王。迴程重謁廟堂皇。誰知獻馘翻成僞。去春以上年平定伊犁。親告闕里。啓譯時。適得擒獲阿睦爾撒納之報。久之。乃知策楞等爲賊所紿。輕信妄奏。逆賊既未就獲。颺竄哈薩克。其餘噶尼瑪等。復與噶爾藏多爾濟糾結爲亂。豈礙告成斯定局。曰惟聲罪不庭方。祖功聖德胥垂佑。在泮行歌載戢章。

急雨六月二十
八日。

婪暑邇日騰炎威。晚田望澤枯欲萎。前此時若恐虛擲。我心憂怒如調飢。密雲佈宇只頃刻。良風坎雨相招攜。金官白帝施號令。素輿玉馬旛旗。玉女投壺天帝笑。鞭馳列缺豐隆隨。前日火流疑未盡。一時瀚濯驅無遺。泉弱湖消池待竭。須臾漲影將平隄。水亭空濛眇烟景。生寒忽欲添紗衣。利農蠲疾人心悅。吾亦因悅非虛詞。軍書適報有佳信。適得軍營來報。偵知叛賊阿睦爾撒納踪跡甚近。參贊大臣富德。率衆奮勇追捕。計日就擒。佇待獲醜班貞師。

哈薩克稱臣內屬遣使進貢詩以紀事有序

哈薩克、卽大宛也。從古不通中國。雖漢武勞師動衆。僅得其馬。猶且動色頌功。斯何稱焉。去歲。我師因追叛寇阿睦爾撒納。直入其境。哈薩克徹帳驅畜。遁去數千里。朕以絕域駐師。非計也。命徹師。哈薩克悔其爲阿睦爾撒納所賣。謀擒之以獻。而奸賊復自哈薩克逃迴。準噶爾乘噶爾藏多爾濟、巴雅爾等之亂。鴟張嘯聚。今春。我師重入伊犁。問罪。則噶爾藏多爾濟已被其姪札努噶爾卜所害。而札努噶爾卜又爲阿睦爾撒納所襲。僅以身免。我參贊大臣富德率師窮追阿睦爾撒納。巴雅爾適與哈薩克師遇。哈薩克不敢犯我師顏。其汗阿布賚隨遣使稱臣入覲。今巴雅爾已獲。阿睦爾撒納亦不日成擒。卽或竄入哈薩克。而哈薩克亦約縛之以獻。喜銷兵之有日。爰點翰以成辭。

采入伊犁靖陸梁。黥鯁懲逆武維揚。已看頡利成生虜。又報洛那歸職方。致馬本非如武帝。閉關未得學蕭王。更欣願縛渠魁獻。載戢干戈日月光。

秋日奉皇太后幸塞外啓蹕之作

潤塵夜雨聽深更。啓蹕旋看放午晴。最喜晚田滋玉粒。恰宜新爽應金行。誠輸屬國咸來覲。每歲行圍木關。四十九旗、蒙古、及喀爾喀、例來謁。因以行慶施惠。澤浹大宛初受盟。去歲我師至哈薩克。本爲追我遁逃。並非有害。於彼。故今歲卽遣使來降。將至。山莊宴賓。敬奉安輿行慶典。歡承慈

壽祝山瀛

五更

五更軍書至。云速六百里。宵衣急披閱。乃知報捷喜。呢嗎已俘獲。並繫其妻子。去歲重猖獗。禍魁實曰此。扎努噶爾卜。倡和如魚水。執魁訊厥踪。云亦就拘矣。乃因彼中亂。操戈同室裏。達瓦及渾齊。二台。縛獻贖罪已。呢嗎與札努噶爾卜。同謀殺噶爾藏多爾濟。而札努噶爾卜旋爲阿睦爾撒納所先是我北軍。早擒巴雅爾。亂首呢嗎與札努噶爾卜。又爲台吉達瓦渾齊所縛。以出痘尙未來獻。阿睦爾撒納竄入哈薩克。竊馬遁還。揚言哈薩克助其兵力。以煽動逆黨。近哈薩克汗阿布賽遣使稱臣。約擒逆賊以獻。大半殲。所餘惟二耳。哈薩克錫拉組頸期可指。阿睦爾撒納。喙息尙逃死。斯實魍魎渠。亦失三窟恃。阿睦爾撒納

至避暑山莊得句

山莊臨上塞。皇祖具深猷。最是承恩處。敢亡繼志謀。諸藩羣入覲。蘇對遠來投。蘇對沙郎。卽大宛。見史記。貽庥庶少酬。待至將行慶。

永恬居

雲閒欲歸牖。山翠每迎檐。景趣來來別。詩題旋旋添。梓材養昔引。蘇對化新霑。佇待縛渠獻。逆賊阿睦爾撒納。復投哈薩克軍營。阿布賽欲縛之以獻。逆賊竊馬。挾六騎夜遁。阿布賽窮追。指日可獲。干戈戢永恬。

細雨

細雨剛經五日纔。灑空雲霧復徘徊。晚田恰喜蘇秋後。野老都云帶澤來。遠浦烟輕紅泛蓼。斜溪濕重綠滌苔。祈年法祖吾恆願。慶慰寧關天馬徠。是時哈薩克頭目頗有投順者。已遣使在途。尙未至云。

御製詩文十全集卷八

再定準噶爾第三之三

詩四十一首

八月十六日熱河啓蹕木蘭行圍之作丁丑

山莊節過桂花筵。哨鹿期臨八月天。爰以時發警蹕。底須好逸戀林泉。虞旌獵騎行招引。舊屬新歸相後先。更待貴山使者至。大蒐嘉與惠威宣。

雪獵

一夜朔風吹凍雲。高峯低谷皆皴玉。雖寒不溼可三驅。連網周陸謝千軸。供役左賢還右賢。是皆慣馬且耐寒。習勞示矩可辭冷。我亦因之試玉韉。六翼時止復時灑。聲控疑驤藍田野。丹黃青綠續銀峻。塞景清都入吟寫。麗龜釋弮真快哉。紫狐輕點鮮花皚。陡憶伊犁大於掌。言軍尙待歌歸來。

哈薩克使臣至。令隨圍獵。並成是什。

伊古從來化外獨。間關馳使遠朝天。不知中土歲日月。乃隔長安萬二千。塞外更教預獵喜。山莊旋與錫恩駢。卽今行國多天馬。附會誰窮太史編。哈薩克在漢爲西域地。史、漢所記。匈奴在北。西南夷在西南。西域諸國在西。爲最遼遠。相傳哈薩克爲古大宛。然史記言大宛爲城郭之國。

則正今之擲爾奇穆、哈什哈爾及吐魯番一帶回部。非哈薩克也。哈薩克雖亦回教。而實行國。與布魯特同俗。又所稱大宛、產苜蓿、葡萄。今哈薩克亦絕無。徒以產馬與大宛相似。然西北諸部。何處不產馬耶。蓋漢時大宛、烏孫、康居、奄蔡、月氏、扞婁、于闐諸國。統爲西域。而大宛部落強盛。附庸者多。哈薩克在彼時。當是其部中之一國耳。史稱大宛東北則烏孫。而土魯番之東北。卽厄魯特諸部。烏孫者。蒙古語謂水也。厄魯特逐水草而居。史所謂隨畜。與匈奴同俗者也。且今哈薩克在厄魯特之北。是又不同矣。史稱大宛東則扞婁、于闐。扞婁音韻。與今之哈密爲近。史記之扞婁。漢書作扞彌。又或作拘彌。而史記所載爲最先。漢書之扞彌。或因字畫偶誤。相沿不改。展轉訛謬。至云拘彌。則益失之遠矣。且于闐、于闐。音聲迥異。二者之間。必有一誤。于闐絕無可考。于闐產玉。歷代相傳。今回部之和闐水多美玉。當爲于闐故地也。益知大宛非定哈薩克明矣。或又以哈密爲古伊吾。引歷代開田、屯兵、建設州郡爲據。然焉知非漢古伊吾之地。屯田設戍。而扞婁乃西遷近于闐而居乎。又安知非中國邊徼。而扞婁仍來其故處乎。在昔夷、漢言語絕不相通。所傳不免悠謬。今文武將吏。往來西域。與行內地無異。則史所謂大宛、烏孫、康居、奄蔡、月氏、扞婁。于闐諸國。與今之厄魯特、哈薩克、布魯特、擲爾奇穆、哈什哈爾。其同異大小。皆可以次而徐考。且歷代傳記。西域諸國所云勝兵數百者。其實不過如今之擲爾奇一昂吉之一。回部賽里木、阿克蘇等小城。有一酋長。卽可稱一國之類耳。設以今所定準噶爾、哈薩克。及回部相較。則史所稱西域三十六國者。不啻九牛一毛矣。必執史、漢爲據。則司馬遷、班固並未身歷其地。卽至其地。而語言不通。文字不曉。其傳訛有必然者。故注其大略如右。

寄題哈薩克獨樹有序

哈薩克西北隅有獨樹一株。其上五枝。盤挐陰廣。可蔽二百騎。哈薩克謂之鄂埒引噶克。又莫朵。鄂埒者。河名。噶克。又莫朵者。獨樹之謂。本土爾扈特所稱名也。樹生河源。久聞其語。今問之來使。信然。夫宇宙之大。何奇不有。然非實據見聞者。奚足稱焉。昔旣爲長白瑞樹歌。今復悉此物必有對。其理信然。獨惜其遠處天末異域。伊古及今。文人學士。且不聞其名。安能傳其實。點筆紀事。蓋不如漆園寓物謬悠而已。

獨樹鬱輪囷。物惟久故神。哈薩克過其下者。必膜拜供獻。而不敢稱其陰周二百騎。歲閱八千春。建木誰曾見。

奇蹤我所詢。依稀北谷子。餽飯此修真。

道書登真隱訣云。餽飯方受西梁真人時。在大宛北谷。

重九日張三營行宮。賜蒙古王公及行圍人宴。並金幣有差。詩以紀事。

罷圍依例犒筵加。施惠兼因答歲華。耐可行宮逢九日。雅宜應節見黃花。朱提分賜一千騎。

一千二百獵騎。舉成數耳。

文綺均頒冊九家。

俗所謂四十九家王子者也。

蘇對何妨頻令預。

是日。哈薩克使者亦預宴。

由來澤欲不遺遐。

萬樹園宴哈薩克使臣。詩以紀事。

萬樹丹青豔霽霜。秋陽送暖似春陽。多須深目遵典屬。鄂畚槎

二處皆哈薩克地名。

歸職方。耀武未煩貳師李。窮

源底藉鑿空張。近安遠服休稱慶。益勵吾心敬不遑。

九月十五日。賜哈薩克使臣觀燈火。

九瀛一合貴山朝。火樹依前絳蠟燒。可識仙莊原月宇。只疑鹽澤接星橋。霜林葉落還裝葉。霞嶠標藏重

去建標。惠遠行時詎尋樂。謾稱預節賞元宵。

熱河啓蹕還京卽事

習武柔遐以次行。騶驛六御啓歸程。雲莊慢自留清戀。麥坂旋因閱宿耕。駝圖每嫌野渡冷。馬臚還趁暖

曦晴。觀光率可從人願。宛使何妨攜入京。

哈薩克使臣求隨蹕至京師。許之。

御園深秋